

# ЛЕНИН'Я

РЕДАКЦИЛЭН АДРЕСЭЗ: УАССР, г. Можга, Межгинской ульча, д. № 11, выльсь этаж, телефон № 0-32.

ВКП(б)-лэн Можгаысь Райкомезлэн, Райисполком-лэн но Горсоветлэн органы.  
4 августэ 1938 ар № 60 (564)  
9-тй арзэ потэ

## Комсомоллы 20 ар тырмон пумитэ

29 октябре Советской Союзысь калык'ёс данлыко датаез — Ленинско-Сталинской комсомоллы, большевистской партилен нырысь юрттйсьезлы, былдэ дуннеысь революционной егит'ёслэн боевой авангардылы 20 ар тырмонэз пус'ёзы.

Ленинскй комсомол промышленностын, сельской хозяйствон но социалистической лэсьтйськонлэн мукет удыс'ёсаз валтйсь инты басьтэ. Со активно участвовать каре государственной ужын, странаен кивалтонн; комсомоллэн умоесь воспитанник'ёсыз СССР-лэн но союзной но автономной республикаослэн Верховной Совет'ёсазы быр'еми. Комсомол Красной армии но Красной флотын великой кужимен луэ. Ог кылын вераса, социализм лэсьтонлэн ёвл сыче удыс'ёсыз, кытын комсомол активно участвовать уг кары. Большевик'ёслэн партизы комсомолэн нуналмысь кивалтэ, комсомолец'ёсыз революционной саклык, тушмон'ёсыз адэонтэм карон духен воспитывать каре. Асьмелэн комсомолец'ёсы, егит'ёсы—дунне вылын самой шудо мурт'ёс: соослэн ужаны, Чыдэтскыны, дышетскыны правозы вань.

Данлыко юбилей пумитэ мыныса, Советской Союзысь комсомолец'ёс но егит'ёс коммунистической партилы но советской правительстволы асьсэлэсь преданностьсэс но яратонэс демонстрировать карыны мылпотонэн жуало. Котыкудиз егит мурт комсомоллэсь 20 ар тырмонэз выль вормон'ёсын пусйыны тырше. Асьме егит'ёслэсь таге мылпотонэс шара веразы Москваысь Сталин нимо автозаводысь стахановец'ёс но специалист'ёс, вань егит'ёслы родинамес дан'ян понна эшшо но самоотверженно ужаны, большевизмлы эшшо но умой дышетскыны ётыса вазысконазы „СССР-лэн котыкуд егит гражданинэз 20 ар тырмон годовщиналы сйзыса аслаз родинаезлы кузьым мед сётэз“ — таге автозаводысь стахановец'ёслэн но специалист'ёслэн призызы. Та призыве Можга районьсь комсомольской организация, Советской Союзысь вань комсомольской организациос сямен ик, кутйз. Комсомоллэн 20 ар тырмонэзлы сйзыса комсомолец'ёслэн но егит'ёслэн массовой собраниоссы ортытмын.

„Удмурт“ заводьсь комсомолец'ёс автозаводец'ёслэсь вазысконзэс обсудить карыса, конкретной уж'ёс быдэстыны обязательствоос кутйзы. Соос районьсь вань комсомольской организациосыз комсомоллы 20 ар тырмонэн нима социалистической Чошатсконэ пырыськыса, егит'ёс пöлын политическо-воспитательной у же з, ком-

сомол ужез умой пуктон понна но производственной план'ёсыз мултэстыса быдэстон понна нюр'яскыны ётызы. Та заводьсь комсомолец Бутов эш (токарь) нормазэ 175 процентлы быдэстыны обязательство кутйз; Соловьев Павел производствон ужанэныз Чош 2 моторист'ёс дасяны обязательсь каре; сменной мастер Чуманов куйнметй кварталлэсь производственной планэз 25 сентябрьлы быдэстыны задача пуктэ.

Кувшинов комсомолец механизированой лесопунктын счетовод луыса ужа вал. „Егит'ёс—нюлэс дасян!“ призывлы отвечать карыса, нюлэс дасян уже карыськыз. Куйнметй кварталэ 413 кубометр интые 1000 кубометр дасяны обязательсь кариз. Кувшинов эш нуналлы быдэ нормазэ 5,5 кубометр интые 17—18 кубометр дася.

Производственной кузьым'ёс сётон повна Чошатскон сельской хозяйствон но кутскиз. Комсомолка-комбайнерка Светчикова 534 га выльсь ю-нянез октыны-калтыны обязательсь кариз. „Завет Ильича“ колхозысь комсомолец'ёс Егоров но Петров аран машинаен ужаса, нормазэс нуналлы быдэ 150 процентлы быдэ'яло. Та колхозысь ик комсомолкаос Николаева но Кириллова етин ишконн нормазэс 190 процентлы быдэ'яло. „Югыт сюрес“ колхозысь Ложкина Парасковья етин ишконн 0,08 га интые 0,22 га ишке, яке нормазэ 300 процентлы быдэ'я.

Шонерэз вераны кулэ, что ваньмыз комсомольской организациос комсомоллы 20 ар тырмонэн нима социалистической Чошатсконэ ёз пырыське на. Котыкуд комсомольской организацилы, котыкуд комсомолецлы но котыкуд егит муртлы та Чошатсконэ пырыськытэк кылёно ёвл. Чошатсконэ пырыськыса, егит'ёс пöлын промышленностын но сельской хозяйствон стахановской движениез жутоно; СССР-лэсь оборона кужымзэ юнматон'я ужез вöлмытоно, егит'ёс пöлын военной ужды дышетсконэз организовать карыса; комсомолн но комсомолны сылымтэ егит'ёс пöлын политическо-воспитательной ужез, большевизмен-ленинизмен овладеть каронэз умоятно, егит'ёсыз сьюлмо ужасьёсын, калык тушмон'ёсын не примиримо нюр'яскысьёсын воспитать карыса.

## Японской военщина выль провокациос лэсьтэ

ТАСС ивортэ, что 31 июле японской военщина Хасан озеролэн шунды пуксён палыстыз гурезё интыосын (высоты) советской границаез нарушить кариз, но японской войскаос возматэ шорысь артиллериеен кужмо ыбылыны кутскыса, граница дурын луйсь СССР-лэсь пограничной войскаосэ шöдымтэ шорысь атаковать каризы. Яполец'ёс советской территорииз 4 километр мурдае чуртнаськыса занять каризы. Хасан озеролы шунды пуксен палын гурезьёсын кутскиз оймаськон. Жугиськон кöняке час кыстйськыз.

Японской военщина кужмо пезьдэт басьтэ, японской войскаос упо вием мурт'ёсын но оймаськон тйрлык'ёсын ышылон'ёс нуо. Советской войскаослэн быремзы лыд'яське.

(„Комсомольской Правдысь“)

## Китайын военной действиос

### ЦЕНТРАЛЬНОЙ ФРОНТ

Центральной Китайын китайской войскаос яполец'ёслы туж зол пумит'ясько. Цзюцзян районн бадзымесь бойёс мыно. 28 июле китайской но японской частьёс кустын городлэн улчаосаз бойёс мынйзы. Яполец'ёслэн трос калыксы быре. Китаец'ёс город котыре но Лушанской гурезьёсы юнматскемын.

27 июле японской пехота Янцзы шурлэн северной берег дураз Цзюцзян доры десант васькытыны кутскиз вал. Китайской войскаос пулемет'ёсын кужмо ыбылыса пумитамен яполец'ёслы чигнано луиз.

Кöняке дырылы перерыв лэсьтэм бере, китайской авиация 27 июле Янцзы шурьсь японской военной корабльёсты нош ик бомбардировать карыны кутскиз. Цзюцзян доры бомбардировка дур'я 4 японской корабльёс тймын. 28 июле китайской авиация Хукоу районьсь японской корабльёсты бомбардировать кариз. 2 японской транспорт'ёс жуаны кутскизы. Со сяна 5 личиесьгес судноос сөремын. Китайской но японской авиация кустын воздушной бой жутскыса, китайской самолет'ёс асьсэлэн базасазы номыр дуьтэк берытскизы.

### ЮЖНОЙ КИТАЙЫН

27 июле яполец'ёс Сватоу доры десант васькытыны вырызы. Китаец'ёс соосы улязы. Китайской артиллериеен ыбылыса одиг японской вачонерка туж зол повредить каремын.

## Н.-Вишур сельсовет переходящей знамяез басьтйз

Райисполкомлэн президиумезлэн 2 августэ 1938 арэ специально кутэм решениеныз Н.-Вишурской сельсоветлы ёг аранзэ вань сельсовет'ёслэсь вазь но умой качествоен быдэстэм понназ, районной кыысь кие вош'яськысь (переходящей) горд знамя сётэмын.

## Удмурт. АССР-лэн правительствоез

УАССР-лэн Верховной Советэзлэн нырысетй Сессиезлэн 28-ти июле 1938 арын орчем заседаниез сярсь информационай сообщение

28 июле, Удмуртской АССР-лэн Верховной Советэзлэн заседаниос ортыт'ян бадзым залаз, Удмуртской АССР-лэн Верховной Советэзлэн нырысетй Сессиезлэн нырысетй созывезлэн куатетй заседаниез вал.

Председательствовать каре — Удмуртской АССР-лэн Верховной Советэзлэн председателез — депутат **Разенов Н. П.**

Верховной Совет УАССР-лэсь правительствозэ — УАССР-лэн Народной Комиссар'ёсызлэсь Советсэс кылдытон сярсь вопросэз эскерыны кутске. Депутат **Тронин А. В.** УАССР-лэн Народной Комиссар'ёсызлэсь Советсылэсь составзэ эскерыны сётэ Верховной Советлы.

Тронин эш аслаз речаз УАССР-лэсь правительствозэ кылдытон сярсь, талэсь азьвыл орчем кык заседаниосын принос дур'я, депутат'ёсын сёт'ям замечаниослы валэктон'ёс сётэ.

Персональной голосованиен Верховной Совет УАССР-лэсь правительствозэ — Народной Комиссар'ёслэсь Советсэс таге составен кылдытэ:

1. УАССР-лэн Народной Комиссар'ёсызлэн Советсылэн председателез — **Андрей Васильевич Тронин.**

2. Народной Комиссар'ёслэн Советсылэн председателезлэн заместителез — **Анатолий Ваильевич Соловьев.**

3. Народной Комиссар'ёслэн Советсылэн председателезлэн заместителез — **Константин Платонович Ардашев.**

4. Государственной Плановой Комиссиялэн председателез — **Игнатий Игнатьевич Маяцкий.**

5. Земледелилэн Народной Комиссарез — **Александр Григорьевич Касаткин.**

6. Вузкарон уж'ёс'я Народной Комиссар — **Алексей Ваильевич Тараев.**

7. Финансовой уж'ёс'я Народной Комиссар — **Степан Алексеевич Алекоандров.**

8. Пищевой промышленностылэн Народной Комиссарез — **Семен Алексеевич Макинмов.**

9. Местной промышленностылэн Народной Комиссарез — **Михаил Ваильевич Кайгородов.**

10. Лесной промышленностылэн Народной Комиссарез — **Артеми Ефимович Павлов.**

11. Коммунальной хозяйстволэн Народной Комиссарез — **Борис Алексеевич Денисов.**

12. Внутренней ужпум'ёс'я Народной Комиссар — **Дмитрий Васильевич Шленов.**

13. Просвещенилэн Народной Комиссарез — **Прокопий Гаврилович Наговицын.**

14. Здравоохраненилэн Народной Комиссарез — **Фекла Андреевна Раотегавва.**

15. Юстицилэн Народной Комиссарез — **Проход Ваильевич Ившин.**

16. Социальной обеспеченилэн Народной Комиссарез — **Георгий Алексеевич Ефремов.**

17. СССР-лэн Заготовка ужпум'ёс'я Народной Комиссариатэзлэн уполномоченноез — **Михаил Иванович Телятников.**

18. Дорожной управленилэн начальникез — **Степан Ваильевич Горбушин.**

Искусство ужпум'ёс'я управленилэсь начальникэс назначить карон сярсь вопросэз Верховной Совет поручить кариз Верховной Советлэн президиумезлы рассмотреть карыны.

Сессилэн эскероно уж'ёсыз быремьян.

Удмуртской АССР-лэн Верховной Советэзлэн председателез Н. П. Разенов эш вера, что Верховной Советлэн вань эскероно уж'ёсыз'я решениос ог кылысь кутэмын но УАССР-лэн Верховной Советэзлэсь нырысетй Сессиез ворсакымен ялэ.

## Одиг мурт кылытэк военизированной шудонэ

Осоавиахимлэн Можгинской райсоветэз 5-тй августысен жит кутскыса 6-тй августэ нуназеозь странамес оборонять карыны дасяськемез эскерон ортытоз. Пусйське военнотактической шудон ортытыны, кытын (шудонн) вань население, 16 арескысен кутскыса, участие принять ка-

роно луэ. Котыкуд гражданинлы асэ эскероно, кызы со СССР-лэн Конституциезлэсь 133-тй статьяез быдэстыны дась: „Отечествоез защищать карон СССР-ысь котыкуд гражданинлэн священной долгез“.

Лукаськон 5 августэ 21 часлы (жит 9 часлы) райвоенкоматлэн гидкуазяз луоз. Военнотактической шудон 6 августэ нуназе бере 3 часозь кыстйськоз. Шудонн нылкышноослы но участие принять кароно, соос санитарной обслуживание кылдытоно луозы. Походэз Можторг нимаз буфет кылдытыса обслуживать кароз, но таин Чош ик походлэн участник'ёсыз серазы сион но юн басьтоно луо

Райисполкомлэн парткомез мур жожомыса ВКП(б) членлэн, Осоавиахимлэн райсоветэзлэн председателезлэн **Илья Павлович Павлов** эшлэн кулэмез оярысь ивортэ.

Ватон 4 августэ, жит 6 часын луоз. Мугорзэ поттон: Запрудной ульча, 18 номеро коркаос.

ПАРТКОМ.

Осоавиахимлэн райсоветэзлэн президиумез мур жожомыса ивортэ Осоавиахимлэн райсоветэзлэн председателезлэн **Павлов Илья Павлович** эшлэн оекыт висем бераз кулэмез оярысь.



## Ижевской мотозаводлэн вормемез

30 июле Могилев городын (Белорусской ССР-ын) Всесоюзной мотоциклетной соревнованиос ортчтымын. Советской мотоциклет'эслэсь качество эскерыса, марказыя первенство пуктыны понна ортчтымын вал та соревнование.

Ижевской мотоциклет соревнованиын нырысь инты бастыт'я.

## 27737 сюрс манетлы заем волдэмын

Удмуртысь сберегательной кассаолэн республиканской управленийлэн сведениез'я 31 июль азелы Удмуртской республикаын Куиньметй Пятилеткалэн Заёмез 27737 сюрс манет волдэмын ни.

## Кутсасын кутскизы

Н.-Вишур. „Гигант“ колхоз 2 августа видсы кутсаны кутскиз. Колхоз 1050 центнер сортовой Зегзэ мукет колхоз'эслы видсылы вошгоз.

Григорьев.

## Зег аранзэс быдтизы

Н.-Вишурской но Билярской сельсовет'эслы колхоз'эс нырысен районын Зег аранзэс быдтизы. Н.-Вишур сельсоветысь колхоз'эс быдтизы 1 августа, Биляр сельсоветысь колхоз'эс—2 августа.

Мальшаков.

## Ю кисьтон кеносазы клец

Почешурской сельсоветысь „Зеленый дол“ колхозын ю кенос'эссэс умой-умой дезинфицировать оз карылэ. Известен буям беразы борддорьсь но путэг'эсысь тузон пблын клец шеде на. Таце ик ужюгдур „Социализме“ колхозын но.

Горячкин.

# Колхоз бусыосысь ивор'ёс

## Горд знамя бастызы

Комьяк сельсоветысь „Новая жизнь“ колхоз ю октон-калтонын ужзэ умой организовать карем понна сельсоветлэсь кысь кие вош'ясыкысь горд знамязэ бастыт. Колхоз сельсоветын нырысь етйи ишконзэ но йды аранзэ быдтиз.

Колхоз правление октон-калтонысь 10 умоесь стахановец'эс премировать каремын.

Михлов.

## Етин дыраз ишнемын

Б.-Уча район. Пазял-Жик'я сельсоветысь „Шонер сюрес“ колхозын етинзы синмасыкымон умой удалтэмын, кузьдалаз 130—140 сантиметр. Октон-калтон ноқыче ышылон'эстэк умой ортчиз. Али етинэз тышканлы но волдонлы дасяскон мына.

Батуев М.



Суред вылын: РСФСР-лэн Верховной Советэзлэн президиумезлэн председателез А. Е. Бадаев эш.

## Зег Кизен Кутскиз

Н.-Кватчи но Почешур сельсоветысь колхоз'эс 2-ти августэ Зег кызыны потызы, Почешур сельсоветын 3 августа киземын 72 га, Н.-Кватчи сельсоветын—7 га.

3-ти августэ кизыны потыз „Гигант“ колхоз но.

Григорьев.

## Нырысен быдэстизы

БИЛЯР. „Красный орел“ колхоз сельсоветын нырысь 1 июле Зег аранзэ быдтиз. Аран 4 нуналсын быдэстэмын.

Демин.

## Октон-калтонлэн 3-тй августлы быдэстемез сярэсь СВОДКА

Сельсовет'эс'я	Зег аран процентэн		
	Етин ишкон процентэн	Кузьн азелы процентэн	Гырой процентэн
М.-Сюгинской	98	66	50
Сунцовской	82	60	63
Б.-Пудгинской	87	42	70
Н.-Кватчинской	90	77	77
Можгинской	94	80	87
Почешурской	96	86	100
Ст.-Каксинской	81	70	65
Р.-Сибинской	70	88	92
Билярской	100	73	86
Ст.-Юберинской	77	82	73
Уд.-Сюгаильской	66	83	76
Комьякской	90	97	90
Поршурской	64	99	78
Н.-Вишурской	100	80	89
Бидосав районны.	82	79	80

Кысь кие вош'ясыкысь (переходящей) горд знамя Н.-Вишурской сельсовет кыин.

## 2,5 га интые 4,25 га

Комсомолец Тумаев Максим Федорович (Н.-Вишурской сельсовет, „Новая жизнь“ колхоз) аран машинаен нормазэ нуналлы быдэ мултэстыса быдэс'я. Нормая 2,5 га интые со 24 июле 4,25 га араз. Тумаев нормазэ 200 процентлы быдэс'яны кылзэ сэтйз.

Тумаев.

## Пионер'эс шеп бичало

„Красный путь“ колхозысь пионер'эс анай-атайэсылы юрттыса октон-калтонын ужало. 70 ёрос пинал'эс шеп бичало но ети ишко. 56 га етинлэсь жыныезлэсь унозэ соос ишкызы. Ужало соос куспазы Чошаткыса, школае умоесь уж'эсын лыктыны тыршо

Трифонов.



Суред вылын: РСФСР-лэн Народной Комиссар'эсызлэн Советсылэн председателез—Н. А. Булганин эш.

## 150—170 манетлы гожтысько

Б.-Уча районсы, Пазял-Жик'я сельсоветысь „Шонер сюрес“ колхозысь колхозник'эс Куиньметй Пятилеткалэн Заёмлы бадзым Жутскем мылкыдэн гожтысько. Уноз 150—170 манетлы гожтыськызы. 50 манетлы гожтыськом колхозник'эс туж шер.

Батуев М.

## Кино—октон-калтонын

Можгагысь кинокуст октон-калтон дырлы колхоз'эсы 4 кинокартинаос ыстиз: „Золотое озеро“, „Бесприданница“, „Поэт и царь“ но „Клятва“. Та сяпа звуковой кинопередвижка ужало.

Котьюд киномеханик толэзь куспын 28 киносеанс'эс возматоз но 20 световой газетаос поттоз.

Русских.

## Кутсасын машина тупатымтэ

Октон-калтонлы Н.-Кватчи сельсоветысь „Элько“ колхоз туж алама дасяскыиз. Зег аранын машинаос оз ужалэ кад ик. Кидыс дасыны кысык дыр вуэмын, нош колхозын кутсасын машина тупатымтэ. Кулэ пичи шестерня но шнур. Кидыс кутсан куашкатэмын луоз шуыса кышкан вань.

Яковлев.

## Происшествиос

Аракы пбзтысь. Поршур селон („Завет Ильича“ колхоз) октон-калтон дыр'я, 24 июле, Васильев П. В. арагы пбзтыса пон лэстыт. Райисполкомлэн уполномоченноезлэн Вешняков эшлэн юнэз дугдытын туртскемезлы Васильев хулиганской уж'эс лэстыны кутскиз. Васильев пытсамын.

# РСДРП-лэн кыктэти с'ездэз

35 ар талзэ азыло—1903 арын 30 июле Российской Социал-Демократической Рабочей Партилен (РСДРП) кыктэти с'ездэз устытскиз. Та с'ездын Россысь рабочий класслэн партиез образовать карыскыиз.

Странагы экономической кризис развигать карыскыиз соку. Сыче бере фабрикаос но завод'эс пытсасыкыиз. Рабочийэсты улчаосы куялызы. 4 ар куспын (1900-1903 ар'эсын) 100 сюрслэсь но мултэс рабочийэс уводить каремын вал. Сотэк но нищенской уждун синылз. Промышленностын курадзон борды итыськыиз крестьян'эслэн сютэк улэмзы, кин'эс помещик'эслэн гнет улазы чидантэм курадзылызы. Царизм дыр'я крестьянствоэ эксплуатировать каронлэсь вань ужасэ аслыд представить карон понна тодэ вайыны тырмоз сое, кызы соку муз'емез люкылызы: 30 сюрс помещик'эслэн бизы вал 70 миллион десятин умоез муз'ем, нош 10 но жыны миллион крестьянкой хозяйствослэн муз'емзы со мындагес ик—75 миллион десятин вал.

Рабочийэслы но крестьян'эслы со дыре матын вал сютэк улон, нищета, полицейской вагайка, царской режимлэн жесточайшой террорез.

Рабочийэс молчать оз каре. Соос асьсэлэсь голосэс самодержавилы но капитализмлы пумит Жутылызы. 1900 арын странагы 29 сюрслэсь но трос адамы, 1901 арын—32 сюрслэсь но трос, 1902 арын—36 сюрслэсь но трос, нош 1903 арын—86 сюрслэсь но трос адамы бастовать карызы.

Крестьян'эс озы ик царской режимлы пумит выступать карылызы. Кылсарысь, 1902 арын помещик'эслы но царской властылы пумит Ев-

ропейской Россыны гинэ 340 крестьянкой выступлениеос вал.

Революционной буря азыланскылиз. Трудящейэслэн стихийной движенизы Жог будиз. Нош со стихийной движениез сознательное лэстыны кулэ вал. Со понна кулэ вал рабочий класслэн политической партиез—революционер'эслэн железной дисциплинаен крепкой организацизы, рабочий класслэн ужезлы пумоз преданной, котыкче эксплуатация быдтон понна активно нюр'ясыкыс адымиослэн организацизы.

Сыче партиез, выль тш'ем партиез именно создать карон сярэсь сюймасыкылиз асьме партилен великой строительэсыз—Ленин но Сталин.

Ленин стремиться карыскыиз, чтобы разрозненной социал-демократической кружок'эсты 1900 арын соосын основать карем революционной «Искра» газет котыре сплотить карыны. Ленинской «Искра» большевизмэсь основной программной но организационной вопрос'эссэ разработать каронын но экономист'эслы, народник'эслы, эсер'эслы пумит нюр'ясыкыонин решающей роль сыграть карылыз.

Ленин аслаз «Что делать» ужаз но Сталин аслаз «Вскольз о партийных разногласиях» брошюраз рабочий класслэн единой централизованной партиезлэн организациезлэсь планзэ тщательно разработать карызы.

Эшшо II с'ездлэсь азыло большевизмлэн основоположник'эсыз Ленин но Сталин рабочий класслэсь подлинно революционной партиез создать карон'я огромной уж лэстызы.

Кыктэти с'ездын ленинско-исхров-

ской направление рабочий класслэсь боевой партиез организовать каронлы люкетиь оппортунист'эслы решительной бой сэтйз. Партилен уставезлэн нырысегй параграфез сярэсь спор, кудиз вал со с'ездын, чрезвычайно знаменательной вал. Кин луыны быгатэ партилен член'эсыныз, тш'и со сярэсь спор'эсын рабочий класслэн партиезлэн кык туж пбртэм валан'эсыз шараяскызы. Оппортунист'эс со партиез олокызы но разжижить карыны мидызы. Оппортунист'эс'я озы вал, что любез гимназист, любез профессор партийной решенисты быдэстонэн, организацилен улон аз активной участиен но мукетэн асье обизывать карытэк асье партилен членэныз япыны быгатэ, пе. Сыче вредной точка зрениез защищать карызл Мартов, Акимов, Иуда-Троцкий—буржуазилэн рабочий движениы вань со подлой агент'эсыз. Буржуазилы гинэ выгодно вал рабочий класслэсь боевой штабзэ организовать каронын люкетины.

Ленин решительно добиваться карыскылиз, чтобы партилен котыкуд членэз мед луоз мужественной, активной, рабочий класслэн ужез понна бесстрашной нюр'ясыкысен.

Партилен уставезлэн нырысетй параграфез принять каремын вал сыче тусэн, кыч'еен предложить каремын вал меньшевикен Мартовен. Мукетаз куиньметй с'ездын полностью принять каремын вал ленинкой формулировка.

Кыктэти с'езд озы ик обсуждать карыз партилэсь Ленинской «Искра» редакциеныз выработать карем программазэ. Та программа международной социал-демократилэн программаосыз пблыс умоез вал но соослэсь отличать карыз пролетариатлэн диктатураезлэсь требовани-

зэ яено формулировать каронэн. Пролетариатлэн диктатураезлэн идеяосылы пумит с'ездын восстать карызы оппортунист'эс во главе Акимовен но Иуда-Троцкийен.

Партилэсь центральной учреждениосэ бир'эн'эс дыр'я ленинец'эс большинство голос бастызы. Тш'и татысен ик потыз название—большевик'эс но меньшевик'эс.

Партилен Кыктэти с'ездэныз принять карем программаез партилен VIII с'ездэз дорозь (1919 ароз) просуществовать карыз. Таиз с'езд, кудиз люкасыкыз победоносной социалистической революция бере, выль программа принять карыз. Со программалэн требованиосызлэн значительной люкетэз али улонэ пыртэмын. Социалистической вормон'эслэн великой итог'эсыз Сталинской Конституциен юнматэмын.

Социалистической революцилен враг'эсыз партилэсь программазэ буржуазилэн удаз извратить карыны оидг пол гинэ оз туртске. Нош соолы сое лэстыны оз кылды. Ленинлэн но Сталинлэн большевистской непримиримостью, партилен враг'эсызлы пумит соослэн суровой но беспощадной нюр'яскемзы партилэсь вань враг'эссэ разгромить каронз обеспечить карызы.

Тш'и озы, рабочий класслэн котыкче враг'эсыныз большевик'эслэн нюр'яскемзы ленинизм понна, коренной программной вопрос'эс понна принципиальной нюр'яскыонэн вал.

Меньшевик'эс, троцкист'эс, бурхаринец'эс—ваньмыз со презренной тварь, кудиз Ленин но Сталин пумитэ, большевизм пумитэ нюр'яскылыз, собереяз проклятой фашизмлэн лагеряз пырыз но солэн разведкаосызыл служить карыны кутскиз. Сталин эш вань асьме калыгез

троцкистско-бухаринской шпион'эслэсь, вредитель'эслэсь но убийцаослэсь коварной метод'эссэс тодманч дышетиз. Славной наркомвуделец'эс пож, отвратительной бугорез сартызы, кытын фашистской разведкалэн кивалтэм улсаз огазе бинискызы троцкист'эс, зиновевец'эс, бурхаринец'эс, рыковец'эс, буржуазной националист'эс, меньшевик'эс, эсер'эс, белогвардейской генерал'эс. Калыклэн со подлинной враг'эсыз шараямын но быдтэмын.

Нош нюр'яскыон быдэстэмын Обдла, ваньмыз враг'эс быдтымтэ эшшо. Советской калык Сталин эшлэсь предупрежденизэ тодэ: котык мобилизационной даслыгыен улонэ, чтобы калык'эслэн враг'эсылэн ноқыкче фокус'эссы но асьмедыз шодытэк порысь заставить карыны мидаз быгатэ.

Асьме родинагысь трудящейэс, партилен исторической Кыктэти с'ездэзлэсь 35 ар тырмемзэ пусыса, социализмлэн вылэсь вормон'эсыз понна, быдэс дуннеын социалистической революцилен вормонэз понна Марксслэн—Энгельслэн—Ленинлэн—Сталинлэн непобедимой знамязы улын асьсэлэсь рад'эссэс эшшо но золөгес герзалэ.

К. Сабуров.

## Редакторез воштысь

С. А. СТЕРХОВ.

## Поттысь Райисполком.

Г. Можга, типография РИК'а. Наряд № 930 Тираж 930. экз. Уполгявлита № 39.